



DAKOTA TAWAXITKU KIN

OR

THE DAKOTA FRIEND.

PUBLISHED MONTHLY BY THE DAKOTA MISSION.—G. H. POND, EDITOR.

VOL. 1.

ST. PAUL, MINNESOTA, JULY, 1851.

NO. 9.

Jesus le Wicaka.

Jesus, Wanikiye cigon, he Wakantanka ee, tuka wicaxta karya makata hi, qa wicaxta opéya waonxida qa wayuwaxteya oranyan. Hececa tuka hunr wicaxta kin cetunhidapi, qa wakan xni keyapi qa kiyuxepi qa oxtedahdapi. "Oyate wicahnayan ce," eciyapi. Tantanyan wahokon wicakiya tuka heconpi. Iyex canteoze xicapi naka hecen tawacinpi.

Unkan hewicakiya, "Iapi ecedan eciyapi unkanx cetunmayahdapi kta iyececa, tuka wicoran nitokam ecamon wandakapi kin, hena on imayadukanpi, qa Wakantanka wececa, epa nayarongi kin he wicawaka sdonyayapi kta tuka. Unkan he hecetu eceen eya. Oran wanjikxi wakan tuka waxte ecedan on wakan. Wanji Wowapi-Wakan en oyakapi unkan decen oyakapi:

JOHN—CHAPTER V.

2. Jerusalem otonee en, tarinca wanuyampi tiyopa kin he en ikiyedani minikiwita wan Betesda eciyapi; unkan zaptankiya ohanzi hdepi.

3. Ohanzi hdepi kin he en ihukuya wicaxta wayazanka ota, huxte, ixtagonga tafaka ko ota en makan hiyece ca mimi xkaxkan kta apepi.

4. Wakantanka taokiye wan he en hi eca; mimi kin he xkanxkanya ece. Tokiya yazan kin owasin toban mimi kin he xkanxkan eca, tuwe tokaheya en iyorpeiciya eca, asni ece.

5. Wicaxta wan wamiyetu itopa en xahogon behanyan wayazanka, unkan he en wanka.

6. Wicaxta kin he makata wanka. Wanana wanakaja tanhan eececa Jesus wanyaka: unkan Anisni yacin he? eciya.

7. Unkan, Mini kin xkanxkan kex, tuwedan en iyorpemaye xni, wicaxta wayazanke ein Itancan kin eciya; en mde kta kex, mitokam tuwe tokeca en iyeiciya ece, eya.

8. Najin qa owinja kicin qa mani wo: Jesus eciya.

9. Unkan, wicaxta kin hecehnana asni, qa owinja kin ehdaku qa mani. Unkan he anpetu wakan icunhan.

Dakota Tawaxitku kin Kicagapi.

Wowapi kin itonxni wanica.

Tokaheya Dakota wowapi kagapi onspeiciyapi he ehan heyapi, "Wowapi kin itonxni wanica." Qa tuwe wowapi wanji Waxicun wan kicage ca taku kida kinhan, eceen eceen kta, kecinpi. Tuka taku dapi kin he wicacupi xni kinhan, wowapi kin he itonxni, keyapi. He okarnigapi xni qa yukecanpi xni, heon etanhan heyapi. Tuwe taku eye ca wowapi eceen kage ca he tehan aipi kinhan token kagapi qon wowapi kin eceen oyaka ece. Taka tuwe taku eceen xipi qa ix taku kidapi, qa eceen eceen xni xta, wowapi kin he itonxni eyepica xni.

Hececa xta nakaha wowapi wanji itonxni sdonwaye. Tuwe woi-tonxni wan kage ca wowapi en kaga exta heciyatannan, he wicake kta e ecimpica xni.

Wehan nakaha Dakota taku yutapi icakijapi qa waminuheza tokan sawapi exta nina icupi, he ehan koxka wan wowapi wanji makahi; he kaken eya owapi:

"TAMAKOCE.

Mitonxka Tankamani woju-tonpi mitawa kin etanhan wanji yaqu kta wacin.

HOTONHOWAXTE."

He mdawa unkan hecehnana woi-tonpi Hotonhowaxte tawa kin etanhan wanji qu iyewaye. Wowapi kin he Hotonhowaxte kaga kepeca, heon etanhan hecamon. Tuka nakaha he wakipazo, unkan kage xni, keya. He tuwe tokeca kaga. Wowapi kin he nakaha itonxni sdonwaya. Hotonhowaxte he kaken eya ce, eya, tuka ehan qon hecen eye xni. Hotonhowaxte he kaga seececa, tuka kage xni keya. Heon etanhan wowapi kin he itonxni qa wohnaye en un. Tuka hececa exta wowapi kin he bapica xni; tuwe he kage ein hee xicaya eceen. He woi-tonxni kaga. He taku wokokipe rinca eceen kta kecin xni naceca. Heon etanhan tuwe hecon kin sdonwaya exta omdake kte xni, tuka koxka owasin he kiksuyapi kta wacin. Wowapi yakagapi kinhan ihdatokecapi xni po. Niye nicajepi kin ohiniyan en icicaga po. Waxicun ekta tuwe wicaxta tokeca caje kin wowapi en kage ca, he sdonye xni qa heye xni xta, he kaken eya ce eya wowapi kaga heconhan, tuwe hecon kin he pa yuksapi xni kinhan kaxka huakapi qa tehan kakixyapi ece. Wowapi kin ohimiyani iewicake kta cimpi, heon etanhan tuwe wowapi kin itonxnikeya eca kakixyapi ece. Heon taku hececa ihnuhan ecanonpi kin do. Taku owasin on ksapa po.

Nakaha mimitan kin on maga ota awihunni.